



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De monacho, qui socio post mortem apparens, dixit: Non putabam
Dominum ita esse destrictum, cap. 28.

urn:nbn:de:hbz:466:1-13177

meum illum inflammati; & quia in causa non erat li-
bido, sed pia intentio, bene potero iuuari. Hæc cùm
relata fuissent militi, vxori valde condolens, oratio-
nibus, ieunijs, & eleemosynis illi succurrere studuit,
animam eius, quibuscumque poterat, commendans.
APOLLONIVS: Terribile est, quod Deus judicio nostro
tam minima tam grauiter punit. **CÆSARIUS:** De
hoc referam exemplum.

C A P V T XXVIII.

*Minuta
puniri de
lita.*

MOnachus quidam ordinis nostri nuper cui-
dam post mortem apparens, requisitus de sta-
tu suo, sic respondit: Nunquam putabam Do-
minum fuisse tam districtum; nam minima, quæ hic non
fuerint per satisfactionem deleta, obseruat; deinde
subjunxit & hoc: Deus, inquit, ignoscat prælatis no-
stris, quia magnis & multis saepe nos subjiciunt penitentias,
valde illorum præcepta ligant: quando enim indiscre-
tè aliquid præcipiunt, & subditi hoc minus attendunt,
vel paruipendunt, futuro iudicio referuantur. **APOLLO-**
NIVS: Quid dicas de monachis pertinacibus? **CÆSA-**
RIVS: Pertinacia vitium est pena dignum, etiam si fuerit
bona, contra præcepta prælatorum.

C A P V T XXIX.

*Pertina-
cia.*

In regno Franciæ, domus est, quæ Pruli dicitur, or-
dinis Cisterciensis; in hac recenter contigit res fa-
tis mirabilis, sicut retulerunt nobis Abbates nostri
anno præterito reuertentes de generali capitulo: nam
quidam ab Abbatे, in quo visio facta est, se audiuisse te-
stati sunt; Adolescens quidam in eadē domo factus est no-
uitius, quæ magister suus mox fecutus est, qui cum factus
fuisset monachus, ita districte se habuit, ita singularis
fuit, ut ei Abbas timeret, & pro indiscreto feroore sa-
pius argueret. Ille vero salutaribus monitis non acquies-
cens, in pertinacia sua perseverauit, sicque post aliquot
annos defunctus est. Nocte quadam, cum Abbas quarta fe-
ria ad laudes in stallo suo staret, & contra presbyterium
respiceret, tres personas, quasi tres cadelas ardentes, ad
se venire contemplatus est; quibus proprius acceden-
tibus, cognovit omnes: medius fuit prædictus schola-
sticus,